

0.0.1 dvedhāvitakkasuttaṃ

1. evaṃ me suttaṃ: ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme tatra kho bhagavā bhikkhū āmantesi bhikkhavoti. bhaddanteti te bhikkhū bhagavato paccassosum. bhagavā etadavoca:

2. pubbeva me bhikkhave sambodhā anabhisambudhassa bodhisattasseva sato etadahosi: yannūnāhaṃ dvedhā¹ katvā dvedhā katvā vitakke vihareyyanti. so kho ahaṃ bhikkhave yo cāyaṃ kāmavitakko yo ca byāpādavitaṃ yo ca vihiṃsāvitakko, imaṃ ekaṃ bhāga-makāsiṃ. yo cāyaṃ nekkhammavitakko yo ca abyāpādavitaṃ yo ca avihiṃsāvitakko, imaṃ dutiyaṃ bhāgamakāsiṃ.

3. tassa mayhaṃ bhikkhave evaṃ appamattassa ātāpino pahitattassa viharato uppajjati kāmavitakko. so evaṃ pajānāmi: uppanno kho me ayaṃ kāmavitakko. so ca kho attavyābādhāyapi saṃvattati, paravyābādhāyapi saṃvattati, ubhayavyābādhāyapi saṃvattati, paññānirodhiko vighātapakkhiko anibbānasamvattaniko. attavyābādhāya saṃvattatīti me bhikkhave paṭisañcikkhato abbattham gacchati. paravyābādhāya saṃvattatīti me bhikkhave paṭisañcikkhato abbattham gacchati ubhayavyābādhāya saṃvattatīti me bhikkhave paṭisañcikkhato abbattham gacchati, paññānirodhiko vighātapakkhiko anibbānasamvattanikotipi

¹ dvidhā - machasaṃ

me bhikkhave paṭisañcikkhato abbattham gacchati. so kho aham bhikkhave uppannuppannam kāmavitakkaṃ pajahameva vinodameva byanteva naṃ akāsiṃ.

4. tassa mayham bhikkhave evaṃ appamattassa ātāpino pahitattassa viharato uppajjati byāpādivitakko. so evaṃ pajānāmi: uppanno kho me ayaṃ byāpādivitakko. so ca kho attavyābādhāyapi saṃvattati, paravyābādhāyapi saṃvattati, ubhayavyābādhāyapi saṃvattati, paññānirodhiko vighātapakkhiko anibbānasamvattaniko. attavyābādhāya saṃvattatītipi me bhikkhave paṭisañcikkhato abbattham gacchati. paravyābādhāya saṃvattatītipi me bhikkhave paṭisañcikkhato abbattham gacchati, ubhayavyābādhāya saṃvattatītipi me bhikkhave paṭisañcikkhato abbattham gacchati, paññānirodhiko vighātapakkhiko anibbānasamvattaniko. attavyābādhāya saṃvattatītipi me bhikkhave paṭisañcikkhato abbattham gacchati. so kho aham bhikkhave uppannuppannam byāpādivitakkaṃ pajahameva vinodameva byanteva naṃ akāsiṃ.

5. tassa mayham bhikkhave evaṃ appamattassa ātāpino pahitattassa viharato uppajjati vihiṃsāvitakko. so evaṃ pajānāmi: uppanno kho me ayaṃ vihiṃsāvitakko. so ca kho attavyābādhāyapi saṃvattati, paravyābādhāyapi saṃvattati, ubhayavyābādhāyapi saṃvattati, paññānirodhiko vighātapakkhiko anibbānasamvattaniko. attavyābādhāya saṃvattatītipi me bhikkhave paṭisañcikkhato abbattham gacchati. paravyābādhāya saṃvattatītipi me bhikkhave paṭisañcikkhato abbattham

gacchati ubhayavyābādhāya saṃvattatītipi me bhikkhave paṭisañcikkhato abbattham gacchati, paññānirodhiko vighātapakkhiko anibbānasamvattanikotipi me bhikkhave paṭisañcikkhato abbattham gacchati. so kho aham bhikkhave uppannuppannam vihiṃsāvitakkaṃ pajahameva² vinodameva³ byanteva⁴ naṃ akāsim.

6. yaññadeva bhikkhave bhikkhu bahulamanuvitakketi anuvicāreti tathā tathā nati hoti cetaso. kāmavitakkañce bhikkhave bhikkhu bahulamanuvitakketi anuvicāreti, pahāsi nekkhammavitakkaṃ. kāmavitakkaṃ bahulamakāsi. tassa taṃ kāmavitakkāya cittaṃ namati. byāpādavitaṃkañce bhikkhave bhikkhu bahulamanuvitakketi anuvicāreti, pahāsi abyāpādavitaṃkaṃ. byāpādavitaṃkaṃ bahulamakāsi. tassa taṃ byāpādavitaṃkāya cittaṃ namati. vihiṃsāvitakkañce bhikkhave bhikkhu bahulamanuvitakketi anuvicāreti, pahāsi avihiṃsāvitakkaṃ. vihiṃsāvitakkaṃ bahulamakāsi. tassa taṃ vihiṃsāvitakkāya cittaṃ namati.

7. seyyathāpi bhikkhave vassānaṃ pacchime māse saradasamaye kiṭṭhasambādhe gopālako gāvo rakkheyya, so tā gāvo tato tato daṇḍena ākoṭeyya patikoṭeyya⁵ sanniruddheyya⁶ sannivāreyya. taṃ kissa hetu? pas-

²pajahāmeva - sīmu, pajjahameva - syā

³vinodameva, sīmu, vinodanameva - syā

⁴byantameva - machasaṃ, syā

⁵paṭikoṭeyya, machasaṃ, paṭikoṭṭeyya - syā

⁶sanniruddheyya - syā

sati hi so bhikkhave gopālako tatonidānaṃ vadhaṃ vā bandhaṃ⁷ vā jāniṃ vā garahaṃ vā. evameva kho ahaṃ bhikkhave addasaṃ akusalānaṃ dhammānaṃ ādīnavaṃ okāraṃ saṅkilesaṃ, kusalānaṃ dhammānaṃ nekkhamme ānisaṃsaṃ vodānapakkhaṃ.

8. tassa mayhaṃ bhikkhave evaṃ appamattassa ātāpino pahitattassa viharato uppajjati nekkhammavitakko. so evaṃ pajānāmi: uppanno kho me ayaṃ nekkhammavitakko. so ca kho nevattavyābādhāya saṃvattati, na paravyābādhāya saṃvattati, na ubhayavyābādhāya saṃvattati, paññāvuddhiko avighātapakkhiko nibbānaṃvattaniko. rattiñcepi naṃ bhikkhave anuvitakkeyyaṃ anuvicāreyyaṃ neva tatonidānaṃ bhayaṃ samanupassāmi. divasañcepi naṃ bhikkhave anuvitakkeyyaṃ anuvicāreyyaṃ neva tatonidānaṃ bhayaṃ samanupassāmi. rattindivañcepi naṃ bhikkhave anuvitakkeyyaṃ anuvicāreyyaṃ neva tatonidānaṃ bhayaṃ samanupassāmi. api ca kho me aticiraṃ anuvitakka-yato anuvicārayato kāyo kilameyya. kāye kilante⁸ cittaṃ ūhaññeyya⁹. ūhate¹⁰ citte ārā cittaṃ samādhimhāti. so kho ahaṃ bhikkhave ajjhattameva cittaṃ saṇṭhapemi sannisādemi¹¹ ekodiṃ¹² karomi samādahāmi. taṃ kissa hetu: mā me cittaṃ ūhaññīti.

⁷bandhanaṃ - machasaṃ

⁸kilamatte - katthaci

⁹ohaññeyya - syā

¹⁰ohate - syā

¹¹sannisidemi - syā

¹²ekodi - pts

9. tassa mayhaṃ bhikkhave evaṃ appamattassa ātāpino pahitattassa viharato uppajjati abyāpādavitaṅko. so evaṃ pajānāmi: uppanno kho me ayaṃ abyāpādavitaṅko. so ca kho nevattavyābādhāya saṃvattati, na paravyābādhāya saṃvattati, na ubhayavyābādhāya saṃvattati, paññāvuddhiko avighātapakkhiko nibbānasamvattaniko. rattiñcepi naṃ bhikkhave anuvitaṅkeyyaṃ anuvicāreyyaṃ neva tatoniḍānaṃ bhayaṃ samanupassāmi. divasañcepi naṃ bhikkhave anuvitaṅkeyyaṃ anuvicāreyyaṃ neva tatoniḍānaṃ bhayaṃ samanupassāmi. rattindivañcepi naṃ bhikkhave anuvitaṅkeyyaṃ anuvicāreyyaṃ neva tatoniḍānaṃ bhayaṃ samanupassāmi. api ca kho me ciraṃ anuvitaṅkayato anuvicārayato kāyo kilameyya. kāye kilante cittaṃ ūhaññeyya. citte ūhate ārā cittaṃ samādhimhāti. so kho ahaṃ bhikkhave ajjhattameva cittaṃ saṅṭhapemi sannisāдеми ekodiṃ karomi samādahāmi. taṃ kissa hetu: mā me cittaṃ ūhaññi ti.

10. tassa mayhaṃ bhikkhave evaṃ appamattassa ātāpino pahitattassa viharato uppajjati avihimsāvitakko. so evaṃ pajānāmi: uppanno kho me ayaṃ avihimsāvitakko. so ca kho nevattavyābādhāya saṃvattati, na paravyābādhāya saṃvattati, na ubhayavyābādhāya saṃvattati, paññāvuddhiko avighātapakkhiko nibbānasamvattaniko. rattiñcepi naṃ bhikkhave anuvitaṅkeyyaṃ anuvicāreyyaṃ neva tatoniḍānaṃ bhayaṃ samanupassāmi. divasañcepi naṃ bhikkhave anuvitaṅkeyyaṃ anuvicāreyyaṃ neva tatoniḍānaṃ bhayaṃ samanupassāmi. rattindivañcepi naṃ bhikkhave anuvitaṅkeyyaṃ anu-

vicāreyyaṃ neva tatonidānaṃ bhayaṃ samanupassāmi. api ca kho me aticiraṃ anuvitakkayato anuvicārayato kāyo kilameyya. kāye kilante cittaṃ ūhaññeyya, ūhate citte ārā cittaṃ samādhimhāti. so kho ahaṃ bhikkhave ajjhattameva cittaṃ saṇṭhapemi sannisāдеми ekodiṃ karomi samādahāmi. taṃ kissa hetu: mā me cittaṃ ūhaññī ti.

11. yaññadeva bhikkhave bhikkhu bahulamanuvitakketi anuvicāreti tathā tathā nati hoti cetaso nekkhammavitakkañce bhikkhave bhikkhu bahulamanuvitakketi anuvicāreti, pahāsi kāmavitakkaṃ. nekkhammavitakkaṃ bahulamakāsi. tassa taṃ nekkhammavitakkāya cittaṃ namati. abyāpāda vitakkañce bhikkhave bhikkhu bahulamanuvitakketi anuvicāreti, pahāsi byāpādavitaṃ. abyāpādavitaṃ bahulamakāsi. tassa taṃ abyāpādavitaṃ cittaṃ namati. avihimsāvitakkañce bhikkhave bhikkhu bahulamanuvitakketi anuvicāreti pahāsi vihiṃsāvitakkaṃ. vihiṃsāvitakkaṃ bahulamakāsi. tassa taṃ vihiṃsāvitakkāya cittaṃ namati.

12. seyyathāpi bhikkhave gimhānaṃ pacchime māse sabbasassesu gāmantasambhatesu gopālako gāvo rakheyya. tassa rukkhamaṃlagatassa vā abbhokāsagatassa vā satikaraṇīyameva hoti: etaṃ¹³ gāvoti. evameva¹⁴ kho bhikkhave satikaraṇīyameva ahosi: ete dhammāti.

¹³ete, katthaci

¹⁴evamevaṃ - machasaṃ

13. āraddhaṃ kho pana me bhikkhave viriyaṃ ahosi asallīnaṃ. upaṭṭhitā sati asammuṭṭhā¹⁵ . passaddho kāyo asāraddho. samāhitaṃ cittaṃ ekaggaṃ. so kho ahaṃ bhikkhave vivicca kāmehi vivicca akusalehi dhammehi savitakkaṃ savicāraṃ vivekaṃ pītisukhaṃ paṭhamāṃ jhānaṃ upasampajja vihāsiṃ.

14. vitakkavicārānaṃ vūpasamā ajjhattaṃ sampasādanaṃ cetaso ekodibhāvaṃ avitakkaṃ avicāraṃ samādhijaṃ pītisukhaṃ dutiyaṃ jhānaṃ upasampajja vihāsiṃ. pītiyā ca virāgā upekkhako¹⁶ ca vihāsiṃ sato ca sampajāno. sukhañca kāyena paṭisaṃvedesiṃ. yaṃ taṃ ariyā ācikkhanti: upekkhako satimā sukhavihārīti tatiyaṃ jhānaṃ upasampajja vihāsiṃ. sukhasa ca pahānā dukkhasa ca pahānā pubbeva somanassadomanassānaṃ atthagamā adukkhamasukhaṃ upekkhā satipārisuddhiṃ catutthaṃ jhānaṃ upasampajja vihāsiṃ.

15. so evaṃ samāhite citte parisuddhe pariyodāte anaṅgaṇe vigatūpakkilese mudubhūte kammaniye ṭhite āneñjappatte pubbenivāsānussatiññāyā cittaṃ abhininnāmesiṃ. so anekavihitaṃ pubbenivāsaṃ anussarāmi. seyyathīdaṃ: ekampi jātiṃ dvepi jātiyo tissopi jātiyo catassopi jātiyo pañcapi jātiyo dasapi jātiyo vīsatiṃpi jātiyo tiṃsampi jātiyo cattārīsampi jātiyo paññāsampi jātiyo jātisatampi jātisahassampi jātisatasahasampi, anekepi saṃvaṭṭakappe anekepi vivaṭṭakappe

¹⁵apammutṭhaṃ, syā

¹⁶upekkhako - samu

anekepi samvattavivattakappe " amutrāsiṃ evannāmo evaṃ gotto evaṃ vaṇṇo evamāhāro evaṃ sukhadukkhapaṭisaṃvedī evamāyupariyanto. so tato cuto amutra upapādiṃ. tatrāpāsiṃ evannāmo evaṃ gotto evaṃ vaṇṇo evamāhāro evaṃ sukhadukkhapaṭisaṃvedī evamāyupariyanto. so tato cuto idhūpapanno"ti. iti sākāraṃ sauddesaṃ anekavihiṭaṃ pubbenivāsaṃ anussarāmi. ayaṃ kho me bhikkhave rattiyā paṭhame yāme paṭhamā vijjā adhigatā avijjā vihatā. vijjā uppannā tato vihato āloko uppanno yathā taṃ appamattassa ātāpino pahitattassa viharato.

16. so evaṃ samāhite citte parisuddhe pariyodāte anaṅgaṇe vigatūpakkilese mudubhūte kammaniye ṭhite āneñjappatte sattānaṃ cutūpapātaññāya cittaṃ abhininnāmesim. so dibbena cakkhunā visuddhena atikkantamānusakena satte passāmi cavamāne uppajjamāne hīne paṇīte suvaṇṇe dubbaṇṇe sugate duggate, yathākammūpage satte pajānāmi: "ime vata bhonto sattā kāyaduccaritena samannāgatā, vacīduccaritena samannāgatā, manoduccaritena samannāgatā, ariyānaṃ upavādakā, micchādiṭṭhikā micchādiṭṭhikammasamādānā. te kāyassa bheda parammaraṇā apāyaṃ duggatiṃ vinipātaṃ nirayaṃ upapannā. ime vā pana bhonto sattā kāyasucaritena samannāgatā, vacīsucaritena samannāgatā, manosucaritena samannāgatā, ariyānaṃ anupavādakā, sammādiṭṭhikā sammādiṭṭhikamasamādānā. te kāyassa bheda parammaraṇā sugatiṃ saggaṃ lokaṃ upapannā"ti. iti dibbena cakkhunā visuddhena atikkantamānusakena satte passāmi ca-

vamāne uppajjamāne hīne paṇīte suvaṇṇe dubbaṇṇe suggate duggate, yathākammūpage satte pajānāmi. ayaṃ kho me bhikkhave rattiyā majjhime yāme dutiyā vijjā adhigatā, avijjā vihatā, vijjā uppannā, tamo vihato āloko uppanno, yathā taṃ appamattassa ātāpino pahitattassa viharato.

17. so evaṃ samāhite citte parisuddhe pariyodāte anaṅgaṇe vigatūpakilese mudubhūte kammaniye t̥hite āneñjappatte āsavānaṃ khayaññāya cittaṃ abhininnāmesim̐. so idaṃ dukkhanti yathābhūtaṃ abbhaññāsim̐. ayaṃ dukkhasamudayoti yathābhūtaṃ abbhaññāsim̐. ayaṃ dukkhanirodhoti yathābhūtaṃ abbhaññāsim̐. ayaṃ dukkhanirodhagāminī paṭipadāti yathābhūtaṃ abbhaññāsim̐. ime āsavāti yathābhūtaṃ abbhaññāsim̐. ayaṃ āsavasamudayoti yathābhūtaṃ abbhaññāsim̐. ayaṃ āsavanirodhoti yathābhūtaṃ abbhaññāsim̐. ayaṃ āsavanirodhagāminī paṭipadāti yathābhūtaṃ abbhaññāsim̐. tassa me evaṃ jānato evaṃ passato kāmāsavāpi cittaṃ vimuccittha. bhavāsavāpi cittaṃ vimuccittha. avijjāsavāpi cittaṃ vimuccittha. vimuttasmiṃ vimuttamiti ñāṇaṃ ahosi. 'khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā'ti abbhaññāsim̐. ayaṃ kho me bhikkhave rattiyā pacchime yāme tatiyā vijjā adhigatā, avijjā vihatā, vijjā uppannā, tamo vihato, āloko uppanno, yathā taṃ appamattassa ātāpino pahitattassa viharato.

18. seyyathāpi bhikkhave araññe pavane mahantaṃ ninnāṃ pallalaṃ, tamenāṃ mahāmigasaṅgho upanis-

sāya vihareyya. tassa kocideva puriso uppajjeyya anattakāmo ahitakāmo ayogakkhemakāmo, so yvāssa maggo khemo sovattiko pītigamanīyo, taṃ maggaṃ pidaheyya vivareyya kummaggaṃ odaheyya okacaraṃ, t̐apeyya okacārikaṃ. evaṃ hi so bhikkhave mahāmigasaṅgho aparena samayena anayavyasanaṃ¹⁷ tanuttaṃ¹⁸ āpajjeyya.

19. tasseva kho pana bhikkhave mahato migasaṅghassa kocideva puriso uppajjeyya atthakāmo hitakāmo yogakkhemakāmo, so yvāssa maggo khemo sovattiko pītigamanīyo, taṃ maggaṃ vivareyye pidaheyya kummaggaṃ, ūhaneyya okacaraṃ, nāseyya okacārikaṃ. evaṃ hi so bhikkhave mahāmigasaṅgho aparena samayena vuddhiṃ virūhiṃ vepullaṃ āpajjeyya.

20. upamā kho me ayaṃ bhikkhave katā atthassa viññāpanāya. ayañcevettha attho: mahantaṃ ninnam pallalanti kho bhikkhave kāmānametaṃ adhivacanaṃ mahāmigasaṅgho kho bhikkhave sattānametaṃ adhivacanaṃ puriso anattakāmo ahitakāmo ayogakkhemakāmoti kho bhikkhave mārassetam pāpimato adhivacanaṃ. kummaggoti kho bhikkhave aṭṭhaṅgikassetam micchāmaggassa adhivacanaṃ seyyathīdam: micchādiṭṭhiyā micchāsaṅkappassa micchāvācāya micchākamantassa micchāājīvassa micchāvāyāmassa micchāsatiyā micchāsamādhissa. okacaroti kho bhikkhave

¹⁷anayavyasanaṃ - machasaṃ

¹⁸tanuttanti padaṃ marammachatṭhasaṅgīti piṭaka potthake na dissate

nandirāgassetam adhivacanam. okacārikāti kho bhikkhave avijjāyetam adhivacanam. puriso atthakāmo yogakkhemakāmoti kho bhikkhave tathāgatassetam adhivacanam arahato sammāsambuddhassa. khemo maggo sovatthiko pītigamanīyoti kho bhikkhave ariyassetam aṭṭhaṅgikassa maggassa adhivacanam. seyyathidaṃ: sammādiṭṭhiyā sammāsaṅkappassa sammāvācāya sammākammantassa sammāājīvassa sammāvāyāmassa sammāsatīyā sammāsamādhissa.

21. iti kho bhikkhave vivaṭo mayā khemo maggo sovatthiko pītigamanīyo, pihito kummaggo, ūhato okacaro, nāsītā okacārikā. yaṃ bhikkhave satthārā karaṇīyaṃ sāvakanāṃ hitesinā anukampaṃ upādāya, katam vo taṃ mayā. etāni bhikkhave rukkhamūlāni, etāni suññāgārāni. jhāyatha bhikkhave, mā pamādattha, mā pacchā vippaṭisārino ahuvattha. ayaṃ vo amhākaṃ anusāsanīti.

22. idamavoca bhagavā attamanā te bhikkhū bhagavato bhāsitaṃ abhinanduntī.